


Tanurtem asoshi Laishibai agütsür



Kodak,
Tebur
Tajung
Tsüngrem
Ki



Tezülutsür: Edward Hughes
Ratettsür: Lazarus
Yanglushitsür: Sarah S.
Meyipzüktsür: Naro Aochenlar
Tadoktsür: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2014 Bible for Children, Inc.

Temelaba: Iba otsü nai copy asütsü mesüra menüngzüktsü akok,
saka ayuktsü memelar.

Yisu alima nung alidang Pa nütsüngtem dang kotak
indang shia liasü. Pai kotak dang "Ku Bu li", ta ja
liasü aser ashi yangji ki tulu
tajung aika lir. Aser
kotakji alima nung ki
tulu kecha tena
metem dangtsü
makok.



Yisui ashi, "Ni nenok asoshi talidak renemi aotsü. Aser kodang ni nenok asoshi talidak renemdir, ni tanaben arutsü aser pei dangi nenok agizüktsü." Aser atangji Yisu tasü nungi shia aru aser kotaki ao. Pa nütsüngtemi repranga alidang, Yisu mepet nung ayiba anir ao.




3

Iba atalokba sülen, alima nung Khristanpur temi Yisu parnok dangi tanaben arutsü ta ashiba mamatoki lir.

Yisui ashi, Pa ajungben aser yimla maliba mapang arutsü. Saka Khristanpur shirnok

Pa tanaben marudang alima nungi pilar, parnok koda asütsü? Iba indang telangzüba Laishiba nung ashir, parnok indang indanga Yisu dangi aotsü.




Kibuba
den lir

Shi nung maliyongbo
parnok Tsüngrem
den alitsü.


4

Jungkai Adokba, koba Laishiba nung tatembangbuba kaket lir, yangji kotak koda jangratemtsü, iba indang shia lir. Ano ajak dang alia tajungtibaji, kotakji Tsüngrem lir. Tsüngrem ajak nung lir, saka Pa menden kotak nung lir.




5

Tenyartem aser kotak nung shirnoksa ali parnoki Tsüngrem külemer. Aser ano Tsüngrem nisung shirnok süogo, parnok kotak nung lir. Parnoki Tsüngrem tenünsang ken tena Tsüngrem tushir.




6

Yangi parnoki atenba ken ka nungi ojang kar yamai: 'Kechiaser na tepsetogo, aser ne zü agi kidong, oshi, nübur aser kintem ajak rongnungi Tsüngremer nüburtem asütsü parnok alangzükogo, aser asen Tsüngrem madang tenzüksü asoshi nai parnok chuba yimli aser putirtem kümdaktsü.' (Jungkai Adokba 5:9)



7


Kotakji "Tasen Yirusalem" ta Laishiba tatem len shia angur. Iba lung tsüki kangadang tulu, aser jara tesülen lung tsüki talang agi meketa lir. Jaraji jasper agi yanglu, tanüdagtsü temeruk mesüker. Yimti lung tsüki tamendakdakji senti lung tapu ajak agi tobur junga yanglu. Aser yimti süngkum bong shiaji berem kaka agi yanglu.



8

Item süngküm bongtem kodanga meshibanger. Asenoki telungi yia reprangdangti ... WOW! Kotak ya tama dang nungibo telungang tajungba. Iba yimti, hon temeja agi yangluba, tenüngdangtsü temerük

mesüka. Yimti yimdongjia hon temeja agi menokba lir.




9

Tsüngrem aser San Chanu chuba menden nungi adoka, lungkonglabo mesüker sentsüprang taküm tsü ayong ayimer. Aser ayong anutzülen taküm süngdong liasü, koba asenoki mezüng Eden tsüki nung metet. Iba süngdong kenyongi balaka. Iba süngdongi süngjang tapu terana atanger, aser ita shia ken atanger. Aser süngdong süngoji kintem anebsütsü asoshi lir.




10

Kotak nung anü mesüra ita tesangwa menüngdaker. Kechiyong Tsüngremer sentsüwangshi jagi ibaji sangwadaktsür. Idakji aonung mali.




11

Oda kotak nung aliba shirurutem balaka lir. Parnok ajak tazüokba nung aser putepa dang alir. Tzünü aser santem külemi rem achir. Molusongzü tasashi tem-ia nashi pongji den külemi chiyonger. Kibubai ashir, "Ku temeshi tenem nung aliba shirurutemi kodanga meyrutsütsü mesüra meraksatsütsü."



12

Asenoki kotakji lunga reprangdangra, oset kari mabensa ta ajiteter. Itemji yamai: tejashi o jembiba mangashir, nisung shinga merarateper mesüra pei ajung asar mali.



Keshi kecha nunga teshibangba mali, kechiaser kotak nung aoer mali. Tiazü jembir, nisung tepseter, temenen nungi ain mesüra ashikelaker mali. Kotak nung temenen tapu kecha mali.

13

Kotak nung nüksü ayimba mali, ken kenbo Tsüngrem nisungtemi alima nung tejashi tulu angudang nüksü ayimer. Saka kotak nung nüksü ajak Tsüngremi aidoktsütsü.



14

Kotak nung tasüba-a mali. Saka nisungtem teti Kibuba den alitsü. Joko tejashi mali, tajeba mali, kangshiteptsü mali, shirangba mali, tejashi tepila mali mesüra asü pilaba mali. Kotak nung aliba pur ajak tepela nung tatem maka Tsüngrem den alitsü.



15

Item ajak rongnung tajungtibaji kotakji tebur aser tetsür chanu (aser tain tem) shibai yisu Khrista parnok teküzmüker ta amanga Pa tashi angar, parnok meyong lir. Kotak nung kaket ka lir, koba dang San Chanu indang Takum Kaket ta ajar. Iba kaket ya nisung tenüng agi sünga lir. Nai-a shiba tenüngsa zülua lir, meteter ma? Nisung shirnokisa Yisu dak tamang ayu, parnok tenüng lir. Nü tenüng-a zülua lir mali?



16

Laishiba tatembang o tem, asenok kotaki tejaokba o tajung lir. "Aser tanela aser tanioklai 'Arung!' ta ashir. Aser shibai angashir pai 'Arung!' ta shiang. Aser shiba tzürrar pa arudakjang; shibai mulunger pai angati taküm tzü agiang."



17

Kodak, Tebur Tajung Tsüngrem Ki

Tsüngrem o nungi otsü ka, Laishiba,

yangi angutsü

Yohan 14; 2 Korint 5;
Jungkai Adokba 4, 21, 22

"Nü o aitba ajanga tesangwa agütsür."
Tenüngsang Ken 119:130

18

Tatembang

60

60

19

Iba Laishiba otsüi asenok dang asen tesüngmangtsü Tsüngrem indang ashir, shibai asenok yanglu aser shibai Pa indang ne nem metetdaksüner.

Asenoki mapa tamajung inyakba tsüngremi meteta lir. Item mapa tamajungdang Pai temenen ta ajar. Temenen ta-a ji tasüba, saka Tsüngremi na oda meimnung Pai Pei ajaso chir, Yisu, na menen nungi alangzüktsü asoshi kangki nung angenloksü yok. Saka Yisu tasü nungi shia aru aser kotaki meyiba ao! Nai Yisu dak amanga ne menen tatok meshira Pai tai adoktsü, Pai magutsüi malitsü! Pai tanga ne den arua ne dak alitsü, aser na Pa den tatem maka alitsü.

Nai ya ochi-a ta amangra, Tsüngremdang ya shiang. Temeim Yisu, ni na Tsüngrem chir ta amanger, aser na onok menen asoshi asü, aser na ano tanaben taküm lir. Yimlibelema kü takümi na aidang aser kü nem temenen tatok agüjang, aji ang la ni taküm tasen akatsü aser kenü anogo ni ne den arua tatem maka alitsü. Ni nü tashi angatsü aser na asoshi ne chir ka ama alitsü nai ni yariangma. Amen.

Anogoshia Laishiba zügang aser Tsüngrem den jembiang!
Yohan 3:16

20